

74

2627

246

A P O L O G I E
POVR MONSEIGNEVR
DE LVYNES.

Sup.



2


M. DC. XIX.

ACC 83-101(206)

APOLLO

ROYALTY

DE L'ART



M. D. C. XIX

A P O L O G I E

POVR MONSEIGNEVR

DE LVYNES.

I Amais des esprits brouillons ne peut sortir que des brouillements. Les turbulents ne seruent de rien en vn Royaume que pour le perdre, & le reduire à neant. Voila la France paisible, alliée de deux tres-puissants Princes: on ne songe qu'à se resiouir, on faict des festes & jeux publics, chacun selon sa condition monstre vn ressentiment d'allegresse; chacun louë Dieu du bon succès des affaires d'Estat, & n'y a personne, entre les gens de bien, qui n'approuue le bon gouuernement que le Roy, bien conseillé, aporte à son Royaume. Le Clergé fleurist, la Noblesse triomphe, le tiers Estat est soulagé: Le Roy parmi la paix medite quelque haut dessein, pour s'acquérir autant de Lauriers, comme son aage & sa vertu luy en promettent. Et ce pendant ces pestes

de Royaumes, qui dans vn Regne paisible, où la Iustice est en sa vigueur, ne peuuent, selon leurs souhaits, venir à bout de leurs pernicious desseins; occupent tous leurs esprits, bandent tous les nerfs de leurs entendements, & s'employent du tout à l'enuy l'un de l'autre, à qui mieux mieux, imprimera dans le cœur des peuples quelque sujet de mécontentement: Tantost trouuent sujet de reprendre les mœurs du Clergé, tantost espoingonnez d'enuie attaquent la Noblesse: (Car ie ne tiens pas entre les Nobles, bien que puissans Seigneurs, ceux qui desrogeans à leur extraction, ne peuuent tirer leurs espées que contre les seruiteurs du Roy:) Tantost font à croire au peuple, que cestuy ou celuy-là est cause des impost qu'on leur met sus: Et ne disent pas que la plus-part des imposts ne sont pris sur le peuple, que pour à force de pensions assouuir leurs insatiables auarices, & par ce moyen les empescher de remuer. Quand à on veu leurs esprits contans? Quand les a on veu resiouïs? lors que la France estoit

sur le bord de sa ruine, & que tous les François pleuroient le mal-heur du siecle : Ont-il vn Roy, bon Religieux & vaillant ? ils le menacent de le mettre en vn Monastere, & abusant de sa clemence, font de nouueaux partis contre luy : bref, sous pretexte de sainte vnion, des vnissent les cœurs des sujets d'auec celuy du Roy : & en fin, ô horreur ! assouuissent leur cruauté dans son sang innocent. O Dieu, où est ton foudre ? peus-tu voir ces choses & les endurer ? encores respirent il, & nous menacent derechef de nostre ruine. Ont-ils vn Roy, dont la dextre redoubtee par tout, à cause de ces genereux exploits, les faict bon gré mal gré maintenir en leur deuoir ? Ils trouuent bien tost le moyen de s'en depescher, & faire mourir dans sa ville capitale, au milieu des pompes & des jeux, celuy, qui au milieu de tant d'armées, resistoit aux forces du canon. Ont-ils vn Roy mineur ? qui deçà qui delà, tantost d'vn costé, tantost d'autre, sous diuers pretextes, taschèt à troubler son repos, & à ruiner son peuple.

Depuis que le Roy se fust affranchy de la tyrannie de ceulx, qui par ses pratiques vouloit, en fin se r  dre maistre du Royaume; ils estoient bien empesch  z sur quel pied se tenir, voyant tout en si bon ordre, les sujets si bien vnis avec leur Prince, & le Prince si amoureux du bien de ses sujets: neantmoins que n'ont ils point faict, iusques    attenter    sa personne, & par libelles & men  es secrettes, arrachez du c  ur des peuples l'amour qu'ils portent    leur Roy. Mais Dieu, dans la main duquel sont tous les c  urs des Roys, donnant la Sapience    nostre Salomon, luy fist recognoistre leurs meschant  s entreprises: Et neantmoins, encore qu'il obtienne    bon droit le nom de Iuste, sa clemence surpassa la rigueur de sa Iustice, & leur pardonna.

Or voicy derechef, abusant de la bont   de sa Majest  , nouveaux mescontentements, nouveaux troubles, nouvelles seditions se forgent par leur moyen.

Ils ont plusieurs couuertures: L'vn se

plaint qu'on ne l'a point recompensé ; pleust à Dieu qu'il dist vray , & qu'il fust encor' ce qu'il estoit auant Henry troijesme ; Il n'auroit pas le moyen de remuer , & ne seroit si hardi que de se reuolter contre son bien-faicteur. Sensuë insatiable, tonneau des Danaïdes , que les cruantez , les meurtres & l'auarice ne peuuent iamais remplir. Le Roy, trop liberal, ne t'a-il pas assez donné en te conseruant en tes biens , lesquels , par sa Iustice il te deuoit oster ? Vrayement tu te dois bien plaindre ; tu as beaucoup perdu : de Seigneur que tu estois , lors que tu vins en son seruice , tu es deuenu pauvre Goujat : Ta famille est appauurie , & tu as despencé tout ton bien au seruice du Roy ? Hé ! combien de cœurs , vraiment François , ont librement prodigué leurs vies pour le seruice du Roy , dont les veufues & les enfans miserables seroient bien-heureux s'ils auoient la moitié du pain que mangent tes chiens ne murmurent pas contre Dieu , & ne laissent de prier incessamment pour sa Majesté. Tu te couures de

l'autorité de la Reyne-mere; Je ſçay
 que ſon naturel eſt trop bon, pour vou-
 loir rien entreprendre contre la volonté
 de ſon fils. Tu luy fais accroire ce que tu
 veux, mais en fin tu te trouueras trom-
 pé: Car ce qui ſe fera de bon, ſera eſtimé
 proceder de ſon bõ naturel, & ce qui ſe-
 ra ſedicieux & meſchāt, on croira inſail-
 liblement, comme auſſi c'eſt la verité,
 qu'il prouiendta de tes dangereux con-
 ſeils. Mais que me fert-il de reprouer
 ce que perſonne n'approue; & de diſ-
 puter contre vn homme du tout aueu-
 glé. Reuiens à toy, reuiens à toy; & ſon-
 ge contre qui tu leues les armes: c'eſt
 contre vn Roy, dont le nom ſeulement
 eſtonne toute la terre: penſe-tu qu'il
 ſonge à toy, & ſi ce n'eſtoit qu'il ſçaist
 que tu ne leues des gens que pour man-
 ger ſon peuple, qu'il vouluſt enuoyer
 perſonne, pour borner ton arrogance,
 qu'un Preuoſt. La Cour de Parlement
 ne te pardonnera iamais, tu l'as brauée
 par trop de fois, il eſt temps deſormais
 de mettre fin à ta preſomption, &
 ſonner la retraicte de tes pernitiueſes
 preten-

pretentions : tu as trouué vn maistre
 aussi rigoureux aux perfides, comme il
 est doux & benin enuers ceux, qui se
 conseruans en leur deuoir, ne font rien
 que sa volonté. Mais c'est assez traité
 de ce point, venons à ceux qui cherchèt
 le sujet de renuer en blasme les actions
 du Roy, & leur montrons premiere-
 ment que tout ce que le Roy faict, doit
 estre estimé bien faict, puis nous leurs
 prouuerons qu'il n'a rien faict que bien
 à propos, & que s'il a montré sa libera-
 lité à celuy qu'il aymoit, que son iuge-
 ment ne l'a point trompé, & que c'est sa
 vertu & sa fidelité qui le font cherir. En-
 tre tous les Roys du monde, le Roy de
 France en Noblesse, antiquité, vaillan-
 ce, puissance & grandeur, passe sur tous
 les Roys de la terre, & Dieu luy a tes-
 moigné particulieremēt qu'il auoit soin
 de luy, donnant à ses predecesseurs tant
 de manifestes apparences de l'amour
 qu'il leur portoit: Les Fleurs de Lis en-
 uoyées du Ciel, & l'Huile miraculeuse,
 dont est sacré nostre Monarque, en font
 foy. Dieu l'ayme, l'assiste de son saint

Esprit, & ne veut point qu'il soit sujet à aucune puissance terrestre. Le Roy de France despend de Dieu seul, & ne doit rendre compte de ses actions à autre qu'à luy. S'il estoit ainsi, qu'il fust permis à vn chacun, selon son caprice, de reformer les actions du Roy; on ne verroit que mescontentemens, que guerres: c'est vne difficile chose que de regner, & biē plus difficile de plaire à tout le monde, s'il estoit permis à vn chacun d'Aristarquer les actions du Roy. Et quelle autorité, par dessus le commun, auroit vn Prince, s'il estoit sujet à la sensur de ses sujets? Non ne vous imaginez pas quand il vous seroit permis de sensurer que vous soyiez capables de reformer vn Estat, vous qui estes assez empeschez à gouuerner vos petites familles. Apprenez à obeïr, puis vous apprendrez à commander. Les sujets doiuent tant aymer leur Roy, & sa presence leur doit estre si recommandable, qu'ils doiuent, non pas estre senseurs, mais admirateurs & adorateurs de ses actions. Si vous aymez vostre Roy, n'aymerez vous

pas ce qu'il ayme; on ne trouue rien de mauuais venant d'une personne chérie: en ce que vous vous mescontentez, il paroist bien que vous manquez de bonne volonté: Car à ceux qui sont vrais seruiteurs de leur Roy rien ne les fasche, rien n'est capable de les rendre mescontents, rien n'est capable de les faire murmurer contre la puissance souueraine: Bref, l'on ne trouue rien d'impossible pour son amy, à plus forte qu'est ce qui ne nous est possible, pour celuy à qui nous deuons nos vies, nos biens, & nos enfans. Vn Pasteur qui aura nourry vne brebis qui luy sera obeissante, & qui l'aymera d'une amour reciproque, ne la peut il pas nourrir du pain qu'il tirera de son bissac, & laisser les autres paistre l'herbe à leur plaisir, sans toutesfois manquer à son deuoir de les garder toutes en general? Et vn Roy florissant, iuste & triomphant, ne pourra recognoistre vn de ses bons seruiteurs qui luy aura seruy fidellement sur tous les autres. O cruauté! qu'il faille qu'un qui represente l'image de Dieu en terre, soit sujet

à la reigle d'un fantatistique esprit, qui gouverne toutes ses actions selon sa passion. Non ierepete que le Roy ne despend de personne, & qu'il peut d'un simple Berger en faire un Gouverneur de Prouince, & reduire un Gouverneur de Prouince à neant. Qui est-ce qui nous donne nos biens? Qui est-ce qui conserue nos maisons? Qui est-ce qui nous faict, par le benefice de la paix, recueillir nos moissons quand il est temps sans crainte de rien? sinon le Roy, dont la Force, la Iustice & la Clemence, maintiennent toutes choses en leur deuoir? Vous faictes cōparaison d'un Gētil-hōme François avec un coquin estrangier, & pour vos raisons vous dittes que l'on n'a peu souffrir Conchiny; & pourquoy l'on souffrira cestuicy, ie ne puis endurer ces comparaisons qui d'elles mesmes sont odieuses. Le Roy donne son bien, & la Reyne donnoit celuy du Roy (non que ie taxe icy son bon naturel: Car si elle à faict quelque chose de bien il venoit d'elle, & le mal ne procedoit que de son mauuais Conseil) l'un

tirannisoit le peuple, & extorquoit ce qu'il pouuoit de luy; ysoit de violence enuers les sujets du Roy, & raschoit d'empieter la Couronne. Cestui-cy vse de douceur enuers tous, est affable à tout le monde, les Conseils qu'il donne au Roy ne tendēt qu'à la paix du Royaume, & au soulagement du peuple: Cestui-cy dis-je ne desire que le salut d Roy, l'accroissement de sa Couronne & la prosperité de toute la France: ceu qui disent le contraire disputent contre la verité, & ferment les yeux peur de voir la lumiere: Car ne sçauent-il pas que sa conseruation ne gist qu'au salut du Roy, que tout son bien ne vient que de la liberalité de sa Majesté, qu'en le conseruant il se conserue soy-mesme. On ne peut mieux iuger des choses que par les effects. Tant que ce tyran a vsurpé la souueraine puissance, combien de iours auons nous eu la paix? tout estoit troublé, il n'y auoit ny aux champs ny en la ville pas vn lieu de seureté: les Bourgeois tous les iours s'attendoient d'estre assassinés; les Laboureurs qui auoient

tant soit peu de bien, se preparent, se leuant le matin, d'estre pillez au soir : Si dans Paris il y auoit quelqu'un dont on eut le moindre soupçon qu'il fust François, aussi tost pris & mort entre quatre murailles : Les Gentils-hommes qui auoient monsté le moindre signe d'affection au Roy, s'ils estoient descouverts, n'esperoient rien de meilleur que porter leur teste en Greue. Depuis sa mort, quel est le Bourgeois qui se plaigne qu'on l'ayt battu ? quel Villageois a esté ruiné ? quelle leuée de deniers extraordinaires a esté faite ? quel seruiteur du Roy peut dire qu'on luy aye retenu sa pension. En fin tout n'est-il pas paisible & pacifique ? chacun n'est-il pas cōtant ? i'appelle des François : Car i'en mets hors du nombre les brouillons & pestes de Royaume. La Noblesse est braue, magnifique, & s'estime heureuse de seruir vn si grand Roy : Le peuple se resiouit sous vn siecle si doux, & benit incessamment l'Authcur de nostre repos, qui est le Roy.

Venons maintenant au second point. Pourquoi voudriez-vous que le Roy

fust si contrainct, qu'il ne peut recom-
 penser par quelque signe d'amitié vn
 qu'il l'a merité? Ouy merité, quelle
 peine pensez-vous que ce soit, qu'à eu
 ce Seigneur au seruice de son Prince?
 Quels soins? Quelles inquietudes?
 Celuy qui ayme vn Roy & qui tasche à
 le conseruer, ne peut pas dormir vne
 nuict toute entiere: Le moindre bruit
 l'estonne, le moindre songe qu'il faict de
 son Roy luy donne crainte, & n'est ia-
 mais si heureux que quand il le void; en-
 core craint-il tousiours qu'il ne luy arri-
 ue quelque mal; vous ne l'ignorez pas,
 c'est vostre meschanceté qui vous faict
 croire autrement: Car si vous ne sçauiez
 que c'est qu'aymer vn Roy, est-il possible
 que vous n'ayez iamais aymé vn particu-
 lier. Trouuez-vous estrāge qu'un Prin-
 ce ayme & agrandisse celuy qui le che-
 rit de tout son cœur? Et à quoy seruiroit
 la vertu s'il n'estoit point permis de le re-
 compenser: Qu'est-ce que le Roy en
 cecy faict autre chose qu'Alexandre,
 qui cherissoit si ardamment son fidelle
 Ephestion & Craterus. les histoires sont

pleines des biens qu'il leur a faits, à cause de leur vertu, & de leur amour reciproque, si que l'on appelloit l'un Philalexandre & l'autre Philobasile : qui est à dire l'un qui aime Alexandre, & l'autre qui aime le Roy : Lesquels deux personages sont bien representez en la personne du Fauory de nostre Prince, qui prefere son bien au bien public, & mesprise sa vie, pour conseruer celle de son Princee.

*In me calumnias molire designas neque amplius asperitate
& minus mecum utare. Sin
perseueraueris, scito haud magna cura mihi eam rem fore:
cum (uti nouisti) Alexander aequitate omnibus praestet. Diodorus lib. 17.*

